

Alpabetong Kuwento

magfi.



bibe

Ang Aming Bahay

Maliit ngunit malinis itong aming bahay
Punumpuno ito ng mga bulaklak na makukulay
May bakod na puti na gawa ni Itay
May alaga ring bibe ang mahal kong Inay
Kaming mga bata ay 'di nag-aaway-away
Masaya kaming lahat sa aming maliit na bahay.

Pag-usapan Natin:

1. Sinu-sino ang nasa bakuran?
2. Anu-ano ang makikita sa bakuran nila?
3. Ano ang alaga ni Inay?
4. Bakit masaya ang pamilya kahit maliit lang ang bahay nila?

bata



bahay



bakod

magfi.



Kaarawan ni Celia



cake

May cake si Celia
Na bigay ni Celso
Ito ay isang regalo
para sa kaibigang totoo.

Pag-usapan Natin:

1. Ano ang bigay ni Celso sa kaarawan ni Celia?
2. Anu-ano pa ang nakikita sa isang kaarawan?
3. Paano mo ipinagdiwang ang iyong kaarawan? Ikuwento ito.
4. Pwede bang maging simple ngunit masaya ang pagdiriwang?



Celso

Celia

magp.



May Dadalawin si Dina



dentista



Dina

doктора

Damit na suot ni Dina ay maganda
May dadalawin kasi sila ng daddy niya
Pupuntahan nila ang isang dentista
Upang ipalinis ang ngipin niya
Sa doktor sila rin ay pupunta
Upang mabakunahan at nang lumusog siya.

Pag-usapan Natin:

1. Sinu-sino ang dadalawin ni Dina?
2. Sino ang nangangalaga sa ating mga ngipin?
3. Bakit kailangang magpunta ang bata sa dentista?
4. Bakit kailangan ang bakuna?



damit



daddy

magp.

Ee

Edmundo



Si Ernesto sa Eroplano



elepante

Kaysarap pong sumakay sa eroplano!"

Sabi ni Ernesto kay lolo Edmundo.

Magkikita na kayo ni Emong na pinsan mo.

Gayundin ng mga pinsan mong sina Ella, Ester at Edgardo.



Ernesto

Ipapasyal tayo ng iyong Tita Emma.

Elepante sa zoo ay iyo nang makikita

Sundin mo lang ang mga babala

Upang bakasyon mo ay maging masaya.



Ella



Emong



eroplano

Edgardo



Pag-usapan Natin:

1. Sino ang batang nakasakay sa eroplano?
2. Anong hayop ang gusto niyang makita?
3. Sino ang kasama niya sa biyahe?
Sinu-sino ang pinsan niya?
4. Bakit kailangang sundin ang mga babala sa zoo?



Ester

mayfl.



Franco

Nagkasakit si Fred



Fe

Nang si Fred ay magkasakit
mga kaibigan niya'y
dumalaw saglit

Sina Franco, Fe, Flory at Felipeng maliit
Dinalaw nila si Fred na mabait.

Pag-usapan Natin:

1. Sino ang batang nagkasakit?
2. Sinu-sino ang dumalaw sa kanya?
3. Nakadalaw ka na rin ba sa isang maysakit?
4. Bakit dapat tayong dumalaw sa kaibigang maysakit?



Felipe



Fred



Flory

mayfl.



gatas



gulay

Si Gina

Gatas ang paboritong inumin ni Gina
Sa mga gulay man ay mahilig din siya
Gitara naman ang libangan niya
Kasama niya sa pagkanta
Ang kaibigan niyang si Glenda.

Pag-usapan Natin:

1. Sino ang magkaibigan?
2. Anu-ano ang paborito ni Gina?
3. Ano ang mangyayari kapag ang bata ay mahilig sa gatas, prutas, at gulay?
4. Anong bagay ang gusto nilang gawin ng kaibigan niya?
5. Ikaw ba ay may kaibigan? Bakit mabuti ang may kaibigan?



Gina



Glenda



higad



hinukay

Ang Halaman ni Helen

Ang mga halaman ni Helen ay magaganda
Ibinigay ito ng Lola Hilary niya
Itinanim sa lupang hinukay ng tatay niya
Tinanggalan ng higad at inalagaan niya.

Pag-usapan Natin:

1. Sino ang batang nagtanim ng halaman?
2. Sino ang nagbigay sa kanya ng halaman?
3. Bakit magaganda ang mga halaman niya?
4. Anu-ano ang dapat gawin upang maalagaan ang iyong halaman?



Helen



halaman



Lola Hilary



Inahing Ibon

inakay

Ang Inahing Ibon



ilog

Ang inahing ibon ay umalis ng bahay
Hanap niya'y pagkain para sa inakay
Nagpunta sa ilog, may nakitang isda
Malaki ito hindi niya madadala.



isda

Nagpalipad-lipad sa isang bukirin
Maya-maya pa, bulate'y nakita rin
Dinala ito at sa inakay ipinakain
Salamat po Inay, kay bait n'yo po sa akin.

Pag-usapan Natin:

1. Sino ang naghahanap ng pagkain? Para kanino ang pagkain?
2. Ano ang nakita niya sa ilog? Bakit hindi niya ito dinala?
3. Anong pagkain ang nadala niya sa kanyang inakay?
4. Dapat bang magpasalamat ang inakay sa kanyang ina? Marunong ka rin bang magpasalamat? Kailan ka nagpasalamat?



Jun



Jen

Ang Kapatid ni Jun

May bagong kapatid si Jun
Ito'y ang sanggol na si Jen
Apat na sila ngayon
Si Jun, ang bunsong si Jen
Si Kuya Jay at si Ate Jessa
Tiyak na lalo pang sasaya
ang kanilang pamilya.



Jay



Jessa

Pag-usapan Natin:

1. Sinu-sino ang magkakapatid?
2. Sinu-sino naman ang iyong mga kapatid?
3. Anu-anong bagay ang gusto ninyong gawin nang magkakasama?
4. Mahal mo ba ang iyong kapatid? Paano mo ito ipinakikita?



kamay

Ang Kuneho ni Kardo



keso

Isang puting kuneho ang alaga ni Kardo
 Madalas niya itong pakainin ng keso
 Kamay ni Kardo pag naamoy ng kuneho
 Lalapit kaagad at sa amo ay tatakbo
 Mahal siya ng kuneho
 Dahil mabait siyang amo.

Pag-usapan Natin:

1. Sino ang batang mabait sa mga hayop?
2. Ano ang kanyang alaga?
3. Ano ang ipinapakain niya sa alaga?
4. Bakit mahal ng kuneho si Kardo?
5. May alaga ka rin ba? Paano mo ipinapakitang mahal mo ang alaga mo?



kuneho



Kardo



lollipop

Kaarawan ni Lorna



litson

Masaya si Lorna sa kaarawan niya
 Dumalo kasi mga kalaro at kaibigan niya
 Maraming lobo, may lollipop, at litson pa.
 Naroon din ang mahal niyang lolo at lola
 Regalo nila'y laso, lapis at lorong maganda.



loro

Pag-usapan Natin:

1. Sino ang batang may kaarawan?
2. Sinu-sino ang bisita niya?
3. Anu-ano ang handa niya?
4. Anu-anong regalo ang natanggap niya?
5. Kung ikaw si Lorna, ano ang gagawin mo kapag binigyan ka ng regalo?



lolo



laso



lapis



lobo

Lorna



mami

Sina Marilou at Mena



mesa

Magkaibigan sina Marilou at Mena
Nguni't nag-away sila dahil sa manyika
Naging malungkot na silang dalawa
Mahal kasi nila ang isa't isa.

Naisip ni Marilou na makipagbati na
Matamis na mansanas ay kanyang dinala
Mainit na mami ipinakain sa kanya
Hayun at bati na ang dalawang bata.



matamis na mansanas

Pag-usapan Natin:



Marilou

manyika

Mena

1. Sino ang magkaibigan?
2. Bakit sila nagkagalit?
3. Ano ang naramdaman nila nung magkagalit sila?
4. Paano sila nagkabati?
5. May nakaaway ka na rin ba? Ano ang ginawa mo?

magfr.



nota

Noli

Nanalo si Noli



nanalo

Si Noli ay batang mahilig kumanta
Naaabot niya maging matataas na nota
Sinasanay siya lagi ng nanay niya
Kaya't sa kantahan, tiyak ang panalo niya.

Pag-usapan Natin:

1. Sino ang batang mahilig kumanta?
2. Bakit siya ang nanalo sa pakontes sa kantahan?
3. Ano naman ang hilig mong gawin?
4. Paano mo mahahasa ang natatangi mong galing?



nanay

magfr.



Ang Castañas

Paborito ni Niña ang castañas
Masarap kasi ito at makatas
Pero sabi ng kuya niyang si Niño
Ito raw ay lasang patatas.

Pag-usapan Natin:

1. Ano ang paborito ni Niña?
2. Anu-ano naman ang paborito mo?
3. May paborito ba ang kapatid o kaibigan mo na hindi mo gusto?
4. Ano ang gagawin mo kapag ang gusto ng iba ay hindi mo nagugustuhan?



castañas

Niño



Niña



Ngiti o Ngitngit



ngiti



ngawa

Ang ngiti ay nakapagpapasaya
Ang ngitngit ay nakapagpapakaba
Kaya halika, ilabas ang ngiping magaganda
Ipakita ang ngiti, huwag ang ngawa.

Pag-usapan Natin:

1. Ano ang mas magandang tingnan, nakangiti o nakangiwi?
2. Ano ang nagagawa ng pagngiti?
3. Ngumingiti ka ba lagi?
4. Ano ang nararamdaman mo kapag nakikita mo ang guro, nanay, o kaibigan mong nakangiti?



ngiwi



ngipin



ngitngit



opisina

Ang Tunog ng Orasan

Oman



Ringg! Ringg! Ang tunog ng orasan
"Umaga na pala," ang sabi ni Oman.
Nagdasal muna siya at nagligpit ng higaan
Maya-maya pa'y kumain ng almusal.



Lola Osang

Papasok na sa opisina ang nanay at tatay
Si Oman muna ay kanilang pinagbilinan
Maging masunurin sa iyong Lola Osang
"Opo," ang sagot ng batang magalang.



Opo!

Pag-usapan Natin:

1. Anong bagay ang gumising kay Oman?
2. Ano muna ang ginawa niya bago nagligpit ng higaan?
3. Bakit kailangang magdasal pagkagising?
4. Paano ipinakita ni Oman na siya ay magalang? Ikaw rin ba ay magalang? Paano mo ito ginagawa?



orasan



puso

Magtipid tayo ng Papel



papel

Pipoy, papel ay tipirin mo
Iyan ay nanggagaling sa puno
Isagawa ito ng taos puso
Sapagkat ikaw ay mabuting Pilipino.

Pag-usapan Natin:

1. Ano raw ang dapat tipirin ni Pipoy?
2. Saan daw nanggagaling ang papel?
3. Nagtitipid ka rin ba ng mga gamit mo?
4. Anu-anong bagay ang tinitipid mo?



puno

Pilipino





Sina Quezon at Quirino

Ilan sa ating magagaling na pangulo
ay sina Manuel L. Quezon
at Elpidio Quirino
Masasabi mo ba
ang iba pa nating pangulo?

Pag-usapan Natin:

1. Sinu-sino ang pangulong nasabi sa tula?
2. Sinu-sino pa ang pangulong kilala mo?
3. Sino ang kasalukuyan nating pangulo?
4. Ano ba ang mga gawain ng pangulo?



Quirino



Quezon

magf.



Regalo kay Rina



Rizza



Rinna

Bagong kapitbahay ni Rizza si Rinna
Hindi pa sila magkakilala
Gusto ni Rizza na maging magkalaro sila
Kaya isang regalo ang inihanda niya
Ito'y isang rosas na maganda.

Pag-usapan Natin:

1. Sino ang bagong magkaibigan?
2. Ano ang regalo ni Rizza kay Rinna?
3. May kaibigan ka rin ba?
4. Paano mo ipinakikitang mahal mo siya?



rosas

magf.



Nagsisi si Sisang Sisiw

Sinabi ni Inahing Susan sa anak na si Sisa
 Huwag sana itong lalapit sa sapa
 Subalit hindi nakinig si Sisa,
 Sinuway pa rin niya ang bilin ng ina
 Isa pa lang sawa ang nakatira sa sapa
 Mabuti na lang at nakatakbo siya
 "Di na po uulit, patawad po, Ina!"



sawa

Pag-usapan Natin:

sapa



1. Sino ang sisiw na sumuway sa ina?
2. Ano ang nangyari dahil hindi siya naging masunurin?
3. Sinusunod mo ba ang bilin ng iyong mga magulang?

Inahing
Susan



Sisa




Si Totoy at ang Tinapay

Si Totoy ay may dalang tinapay
 Nang mapadaan siya sa tulay
 Sa tatlong pulubi siya'y nagbigay
 Kabaitan niya'y tunay na tunay.

tatlo
3

Pag-usapan Natin:



tinapay

1. Sino ang batang mapagbigay?
2. Sino ang nakita niya sa tulay?
3. Ano ang ibinigay niya sa mga ito?
4. Nagbibigay ka rin ba sa mga nangangailangan?



tulay



Totoy



Ursula

Ang Uniporme ni Ursula



unan

Si Ursula ay papasok na
umalis Iniligpit muna ang unan na ginamit niya
Uminom ng gatas, kumain ng ubas
Nagsuot ng uniporme, handang-handa na siya
Bago umalis, humalik muna sa mahal niyang ina
at ama.

Pag-usapan Natin:

1. Anu-ano ang ginawa ni Ursula bago siya pumasok?
2. Ano ang isinuot niya?
3. Saan kaya siya pupunta?
4. Paano ipinakita ni Ursula na mahal niya ang nanay at tatay niya? Humahalik ka rin ba sa iyong ina at ama?



uniporme



ubas



Val

Namasyal sina Vina



VISAYAS

Visayas

Sumakay sina Vina sa van
Kasama sina Val, Vic at Dan
Sila ay may pupuntahan
Visayas kanilang papasyalan
Upang makita tanawing naggagandahan.

Pag-usapan Natin:

1. Sinu-sino ang mamamasyal?
2. Saan sila pupunta?
3. Alam mo ba kung ano pa ang dalawang malalaking pulo ng Pilipinas maliban sa Visayas? Anu-ano naman ang magagandang tanawin sa Pilipinas na alam mo?



Vic



van



Vina



Dan



Ang Walis na Panlinis

walis **8**

Sina Wanda at Willy ay laging may dalang walis
Mahilig kasi silang maglinis
Walong lata ang kanilang napalis
Walang natirang kalat, lahat ay malinis.

Pag-usapan Natin:

1. Sinu-sino ang batang masisipag?
2. Bakit lagi silang may dalang walis?
3. Ano ang mangyayari sa paligid kapag hindi natin ito nililinis?
4. Marunong ka bang maglinis? Anu-anong bagay sa bahay ang alam mong linisin?
5. Bakit mabuti ang batang masipag maglinis?



Wanda



Willy

magp.



Nahulog si Exa

Nahulog si Exa sa puno ng mangga
Sa ospital siya ay agad dinala
Isang taxi ang sinakyan nila
Sa x-ray na ginawa sa kanya
Mabuti naman at walang baling nakita.

Pag-usapan Natin:

1. Sino ang batang nahulog sa puno?
2. Saan siya dinala?
3. May nabali ba siyang buto?
4. Nasubukan mo na rin bang mahulog?
5. Paano maliwasan ang pagkahulog mula sa isang mataas na lugar?



taxi



Exa

x-ray

magp.



Yaya

Ang Yoyo ni Yoyong



Si Yoyong ay may bagong biling yoyo
Gustong-gusto ito ng kapatid niyang si Yolly
Sinabi ni Yaya na ipahiram sandali
Maya-maya pa ito ay kanya nang isinosoli.

Pag-usapan Natin:

1. Ano ang bagong laruan ni Yoyong?
2. Sino ang humiram ng laruan niya?
3. Dapat bang magpahiram ng laruan ang isang bata?
4. Marunong ka rin bang magpahiram ng iyong gamit o laruan? Kanino ka nagpapahiram?
5. Ano naman ang dapat mong gawin sa laruan o gamit na hiniram mo?



Yoyong

Yolly



magfi.



Zesto



Sa Zoo



zoo

Si Zenia ay namasyal sa zoo
May zebra siyang nakita rito
Mayroong ding leon, tigre at oso
At nang mauhaw, uminom siya ng Zesto.

Pag-usapan Natin:

1. Sino ang bata sa tula?
2. Saan siya nagpunta?
3. Ano ang nakita niya sa zoo?
4. Pagkatapos niyang uminom, saan niya dapat ilagay ang pakete ng Zesto?
5. Bakit dapat ilagay ang ating mga basura sa basurahan?



Zenia

magfi.